

Dissertatio CCIL.

servitute diaboli, quanvis deinde per subsequens instans libertatem acquisivisset: ergo &c. XIII. Si B. Virgo non fuisset ab originali culpa præservata, Christus non fuisset perfectissimus Redemptor; Sed Christus fuit perfectissimus Redemptor: ergo B. Virgo fuit ab originali culpa præservata. Probatur major. Ad rationem perfectissimi Redemptoris spectat non solum, ut redimat omnes, verum quoque ut redimat omnimodo, quo possibilis est redemptio; sed si B. Virgo non fuisset ab originali culpa præservata, Christus, quanvis redemisset omnes, tamen non redemisset omni modo, quo possibilis est redemptio: ergo &c. Probatur minor. Redemptio dupliceri expleri potest, & præservando a culpa, & liberando a culpa; sed si B. Virgo non fuisset ab originali culpa præservata, Christus redemisset tantum liberando non præservando: ergo non redemisset omni modo, quo possibilis est redemptio: ergo non fuisset perfectissimus Redemptor. XIV. Christus fuit perfectissimus Mediator; sed non fuisset perfectissimus Mediator, si B. Virgo contraxisset originale peccatum: ergo &c. Probatur minor a Scoto in 3. dist. 3. qui

I. Perfectissimus Mediator habet perfectissimum alium mediandi respectu aliquius personæ, pro qua mediat: sed Christus est perfectissimus Mediator: igitur Christus habuit perfectissimum gradum mediandi possibilem, respectu cuius erat Mediator; sed respectu nullius personæ habuit excellentiorem gradum, quam respectu Mariae; ergo &c.
Objiciunt I. Ex Scripturis habetur, omnes homines in Adamo peccasse: ergo pariter B. Virgo in Adamo peccavit. Probatur antecedens. Psal. 13. & 32. Omnes declinaverunt, simul inutiles facti sunt, non est qui faciat bonum non est usque ad unum. Ad Romanos 5. In quo (hoc est in Adamo) omnes peccaverunt: & paulo ante: In omnes homines mors pertransiit. 2. ad Corinth. 5. Si unus pro omnibus mortuus est: ergo omnes mortui sunt, & pro omnibus mortuus est Christus. II. 1. ad Timoth. 2. Christus dicitur Mediator, & Redemptor omnium hominum ergo etiam B. Maria Virginis: ergo pariter haec peccavit in Adamo, sicut omnes homines peccaverunt. Probatur antecedens adducendo verba citati textus, quæ sunt: Unus est Mediator Dei, & hominum, Christus Jesus, qui dedit semetipsum redemptionem pro omnibus. III. Matthei 19. Non est opus sanis medicus, sed

malehabentibus; atqui Christus respectu Mariæ Virginis fuit etiam medicus: ergo etiam Maria Virgo originali infirmitate laboravit. IV. Lucæ 19. Venit Filius hominis querere, & salvum facere quod perierat; sed venit querere B. Virginem: ergo etiam B. Virgo per originale peccatum, perierat. V. 1. ad Timoth. 1. Christus venit in hunc mundum, peccatores salvos facere; sed salvam fecit B. Virginem: ergo etiam B. Virgo fuit peccatrix. VI. Concilium Basileense non fuit Concilium, sed conciliabulum: ergo male adducitur ad probandam immunitatem B. Virginis ab originali labe. VII. Ex decreto S. Rom. & Gener. Inquisitionis prohibetur titulus *Immaculate Conceptionis*, quod quidem dererunt prodiit feria 4. die 20. Januarii, anni 1644. Et his verbis conceptum fuit: In Congregatione Generali Sancte Romane, & universalis Inquisitionis, habita in Conventu S. Mariae super Minervam, coram Eminentissimis, & Reverendissimis Dominis Cardinalibus, contra hereticam præstatuam Inquisitoribus Generalibus, a Sancta Sede Apostolica deputatis: Eminentissimi, & Reverendissimi Domini Cardinales Inquisitionis Generalis prædictæ decreverunt, quod quando agitur de tribuendo titulo *Immaculata Conceptioni B. Virginis*, nullo modo permittatur: sed solum dicatur, *Conceptione Immaculata Virginis*, & ita observari mandaverunt. Loco signilli Joannes Antonius Thomassinus Sancta Romana Inquisitionis Notarius. VIII. Non bene inferatur immunitas Mariæ Virginis ab originali peccato ex festo ejusdem, quod celebratur in Ecclesia: quia festum non est *Conceptionis* quod fuerit *Immaculata*, sed quod fuerit initium nostræ sanctificationis, & redemptionis: Unde celebritas illa est potius gratiarum actio, quod Deus die illa concessit nobis B. Virginem, ex qua Christus nascetur. IX. Cajetanus in Opus. de Concept. cap. 5. defendit, celebrari festum *Conceptionis* non quidem respectuive ad instans animationis, & *Conceptionis* passivæ, sed per respectum ad sanctificationem in utero, quæ fuit paulo post animationem. X. Verba, quæ adduximus ex S. Dominico Prædicatorum Ordinis Inst. itutore, non sunt illius, sed potius cuiusdam Dominicani de Pantaleonibus Florentini, Ordinis Prædicatorum, qui anno 1262. scriptis librum illum, seu tractatum de Corpore Christi, qui immitro S. Dominico adscribitur. XI. Multi Patres scripserunt, B. Virginem fuisse in utero